

Bosna i Hercegovina  
Federacija Bosne i Hercegovine  
Kanton Sarajevo



Bosnia and Herzegovina  
Federation of Bosnia and Herzegovina  
Sarajevo Canton

Općina Stari Grad Sarajevo  
Općinsko vijeće

Municipality of Stari Grad Sarajevo  
Municipal Council

Na osnovu člana 2.2. i 2.12. Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), člana 7. i 8. Uputstva o utvrđivanju kvalifikacija, broju, imenovanju, obuci i razrješavanju članova izborne komisije osnovne izborne jedinice u Bosni i Hercegovini ("Službeni glasnik BiH", broj 67/21 i 73/21) i Odluke Općinskog vijeća Stari Grad Sarajevo o objavljivanju Javnog oglasa za imenovanje člana Općinske izborne komisije Stari Grad Sarajevo, broj: 02-45-756/21 od 30.12.2021. godine, Općinsko vijeće Stari Grad Sarajevo, objavljuje

## JAVNI OGLAS

za imenovanje člana Općinske izborne komisije  
Stari Grad Sarajevo

Opći uslovi: da je lice sa pravom glasa i da posjeduje odgovarajuću stručnost i iskustvo u provođenju izbora

Posebni uslovi: da ima evidentirano prebivalište na području općine Stari Grad Sarajevo, da ima završen fakultet, odnosno VII/1 stepen stručne spreme ili završen fakultet bolonjskog sistema studiranja sa najmanje 180 ETCS i da posjeduje iskustvo u provođenju izbora (pod iskustvom se podrazumijeva članstvo u Izbornoj komisiji, članstvo u biračkom odboru na izborima obuhvaćenim Izbornim zakonom BiH)

Rok za podnošenje prijave na Javni oglas je 8 (osam) dana od dana objavljivanja oglasa u dnevnim novinama. Prijave na Javni oglas kandidati trebaju dostaviti preporučenom poštom ili na protokol Općine u zatvorenoj koverti sa naznakom:

**"PRIJAVA NA JAVNI OGLAS ZA IMENOVANJE ČLANA OPĆINSKE IZBORNE KOMISIJE – NE OTVARAJ", na adresu: Općina Stari Grad Sarajevo – Općinsko vijeće Stari Grad Sarajevo – Komisija za izbor i imenovanje (Konkursna komisija), ulica Zelenih beretki 4, 71 000 Sarajevo.**

Kompletan tekst javnog oglasa dostupan je na zvaničnoj web stranici [www.starigrad.ba/javni](http://www.starigrad.ba/javni) pozivi, konkursi i oglasi.

Sarajevo, 12.01.2022. godine  
Broj: 02-45-16/22

Sarajevo, Zelenih beretki 4,  
Centrala: 033/282-300 Info pult: 033/282-422  
[www.starigrad.ba](http://www.starigrad.ba)  
[info@starigrad.ba](mailto:info@starigrad.ba)



BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU

Broj: 65 0 P 828031 20 P  
Sarajevo, 30. 12. 2021. godine

Općinski sud u Sarajevu, sudija Vildana Fajić Poturović, u pravnoj stvari tužitelja ASA OSIGURANJE d.d. Sarajevo, ul. Trg Međunarodnog prijateljstva 25, Sarajevo, protiv tuženog Predrag Petrović nastanjen u ul. Rastoka bb, Ribnik, radi isplate duga, v.sp. 8.300,00 KM, na osnovu člana 348. Zakona o parničnom postupku (u daljem tekstu ZPP-a), objavljuje

## OGLAS

Dana 15. 01. 2020. godine tužitelj je podnio tužbu i pokrenuo parnični postupak protiv tuženog radi isplate duga kojom je zatražio da se tuženi obaveže da isplati tužitelju na ime regresnog duga iznos od 8.300,00 KM sa zakonskom zateznom kamatom počev od 26. 12. 2018. godine pa do dana isplate, kao i da tužitelju nadoknadi troškove parničnog postupka.

Ovim putem se tuženom Petrović Predragu dostavlja tužba na odgovor, te je isti dužan da u roku od 30 dana dostavi odgovor na tužbu, a sve u skladu sa odredbama člana 70. i člana 71. ZPP-a. U odgovoru na tužbu tuženi će istaći moguće procesne prigovore i izjasniti se da li priznaje ili osporava postavljeni tužbeni zahtjev, te navesti i druge podatke koje, u skladu sa odredbama člana 334. ZPP-a, mora sadržavati svaki podnesak. Ako tuženi osporava tužbeni zahtjev, odgovor na tužbu mora sadržavati i razloge iz kojih se tužbeni zahtjev osporava, činjenice na kojima tuženi zasniva svoje navode, dokaze kojima se utvrđuju te činjenice, te fakultativno i pravni osnov za svoje navode. Tuženi može u odgovoru na tužbu, a najkasnije na pripremnom ročištu, podnijeti protivtužbu.

Ukoliko tuženi u roku od 30 dana sudu ne dostavi pismeni odgovor na tužbu, sud će donijeti presudu zbog propuštanja u smislu odredbi člana 182. ZPP-a. Obavještava se tuženi da se dostava pismena smatra obavljenom protekom od 15 dana od dana objavljivanja u dnevnim novinama koje se distribuiraju u Federaciji BiH.

SUDIJA  
Vildana Fajić Poturović

Na osnovu odredbi člana 11. Pravilnika o načinu i uvjetima ograničenog prava korištenja javnog vodnog dobra („Službene novine Federacije BiH“, broj: 26/09) u postupku ustanovljenja ograničenog prava korištenja javnog vodnog dobra po podnesenom zahtjevu, „Agencija za vodno područje rijeke Save“ Sarajevo daje sljedeće

## O B A V J E Š T E N J E

1. Za zemljišnu česticu koje pripada javnom vodnom dobru uz rijeku Unu, označena kao k.č. 5283/4 K.O. Bihac-Grad (po novom premjeru), što odgovara k.č. 5/41 K.O. SP Bihac (po starom premjeru) u Gradu Bihacu, upisana u zemljišnoknjižni uložak broj 9482 K.O. SP Bihac u vlasništvo Federacije BiH, podnesen je zahtjev za ustanovljenje prava na ograničeno korištenje javnog vodnog dobra. Zahtjev se odnosi na dio zemljišne čestice k.č. 5283/4 K.O. Bihac-Grad (naziv parcele: Obala, način korištenja: Ostalo neplodno zemljište, površina: 96 m<sup>2</sup>), u površini od 46 m<sup>2</sup> koja bi se koristila u svrhu postavljanja privremenog montažno-demontažnog objekta, u periodu od 10 godina.
2. Osobe zainteresovane za ograničeno korištenje javnog vodnog dobra pod uslovima navedenim u tački 1. ovog obavještenja mogu u tu svrhu podnijeti zahtjev.
3. Rok za podnošenje zahtjeva zainteresovanih osoba je 8 (osam) dana od dana objavljivanja ovog obavještenja.
4. Zahtjevi se dostavljaju „Agenciji za vodno područje rijeke Save“ Sarajevo na adresu Ulica Hamdije Čemerlića broj 39a, 71120 Općina Novo Sarajevo, grad Sarajevo.

Bosna i Hercegovina  
Federacija Bosne i Hercegovine  
Hercegovačko-neretvanski kanton

Grad Mostar

JU "Osnovna škola Blagaj"  
Školski odbor JU "Oš Blagaj"

## O B A V J E Š T E N J E

JU "Osnovna škola Blagaj" raspisala je Javni konkurs za prijem u radni odnos.

Konkurs se nalazi na Web stranici Škole, Web stranici Službe Zavoda za zapošljavanje HNK i Oglasnoj ploči Škole.

Agencija za vodno područje rijeke Save Sarajevo, na osnovu člana 124. Zakona o vodama (Sl. novine FBiH) broj 70/06) i člana 1. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH), broj 41/20), daje sljedeće

## O B A V J E Š T E N J E

o podnesenom zahtjevu za izdavanje Prethodne vodne saglasnosti

Pravno lice, Općina Bosanska Krupa, dana 03.12.2021., podnijelo je «Agenciji za vodno područje rijeke Save» Sarajevo zahtjev za izdavanje prethodne vodne saglasnosti za „Aktivnosti regulacije rukavca rijeke Une u naselju Bosanska Otoka, Općina Bosanska Krupa“, prema izrađenom Glavnom projektu.

Sva zainteresirana lica, svoje eventualne primjedbe, prijedloge i sugestije na planiranu aktivnost, mogu u roku od deset dana (od 11.01.2022.-21.01.2022. godine) dati usmeno na zapisnik u prostorijama Agencije ili dostaviti u pisanom obliku neposredno ili putem pošte na sljedeću adresu:

«Agencija za vodno područje rijeke Save»  
(za Sektor 40)  
ul. Hamdije Čemerlića 39a  
71000 Sarajevo

BOSNA I HERCEGOVINA  
FEDERACIJA BiH  
KANTON SARAJEVO  
OPĆINSKI SUD U SARAJEVU  
Zemljišno-knjižni ured

Broj: 065-0-DN-21-030 285  
Sarajevo, 10. 01. 2022. godine

Općinski sud u Sarajevu, zemljišnoknjižni ured, na osnovu člana 66. i 67. a u skladu sa članom 88. stav 2. Zakona o zemljišnim knjigama F BiH (Sl. novine F BiH br. 19/03 i 54/04),

## NAJAVLJUJE USPOSTAVU ZEMLJIŠNOKNJIŽNOG ULOŠKA

U zemljišnoknjižnom predmetu broj 065-0-DN-21-030 285, a po zahtjevu Lokvančić Aiše iz Ilidže, zastupane po Bećirović Džemalu, advokatu iz Sarajeva, u toku je postupak uspostavljanja zemljišnoknjižnog uložka. Nekretnine, za koje se uspostavlja zemljišnoknjižni uložak, upisane su po novom premjeru u Posjedovnom listu broj: 1676 k.o. BUTMIR i označene kao:

k.č. br. 1221/20 Gradilište Orlovaca površine 428 m<sup>2</sup>

k.č. broj 1221/22 Vrt 1. klase Orlovaca površine 326 m<sup>2</sup>

Prema podacima katastra Općine Ilidža na predmetnim nekretninama kao posjednik je upisana Lokvančić rođ. Čenanović Aiša kći Ramiza sa dijelom 1/1.

Prema podacima Zemljišnoknjižnog ureda Općinskog suda u Sarajevu kao vlasnik nekretnina upisanih u ZK uložku broj: 7703 k.o. SP Gornji Butmir i to u odnosu na parcelu 1711/96 Gradilište Orlovaca površine 214 m<sup>2</sup> i parcelu 1711/107 Oranica Orlovaca površine 147 m<sup>2</sup> uknjižena je predlagateljica Lokvančić Aiša kći Ramiza sa dijelom 1/1, dok se u odnosu na nekretnine upisane u Zk uložku 1907 k.o. SP Gornji Butmir i to u odnosu na parcelu 1711/97 Gradilište Orlovaca površine 214 m<sup>2</sup> i parcelu broj 1711/108 Oranica Orlovaca površine 179 m<sup>2</sup>, kao vlasnik je uknjižena Hrgić (Anto) Ružica rođ. Razdrić – Ramljak sa dijelom 1/1.

Pozivaju se sva lica koja polažu pravo vlasništva ili neko drugo pravo na navedenoj nekretnini da svoje pravo prijave u roku od 60 dana od dana najave podneskom u dva primjerka i to dokažu, u suprotnom njihovo pravo neće biti uzeto u obzir prilikom uspostave zemljišnoknjižnog uložka.

Lica koja polažu pravo na tim nekretninama mogu navedeni rok na zahtjev produžiti za najmanje sljedećih 90 dana, kako bi im se dala mogućnost da pribave potrebne dokaze. Ukoliko u produženom roku ne uslijedi prijava, zemljišnoknjižni uložak će se uspostaviti na osnovu do tada pribavljenih dokaza.

Stručni savjetnik za vođenje zemljišnih knjiga  
Sanela Brđanin

JP „Šume TK“ dd Kladanj

## O B A V J E Š T A V A

sve zainteresovane kupce da je na web stranicama: [www.jpsumetk.ba](http://www.jpsumetk.ba) i [www.akta.ba](http://www.akta.ba) i na oglasnim tablama Preduzeća objavljen oglas broj: 357/22 od 11.01.2022. godine o prodaji roba – šumski drvni sortimenti (jelovina).